

Seim 15.01.2022.

Innspel til,

HØYRINGSSAK - Lokal forskrift om jakt og fastsetting minsteareal som grunnlag for tildeling av fellingsløyve på hjort i Alver kommune.

LVH (Lindås Vest Hjortevald) har etter snart 20 års drift gjort ein del erfaringar innafor viltforvaltning. Me føler at jegerane generelt har ein mykje betre forståing for, og ikkje mist vilje til å vera med på forvaltning av vilt, og ikkje 'berre gå på jakt'.

Det overordna målet med valdet var å få oversikt over eit større område, der viltet beveger seg, og på den måten kunna styra avskytinga med meir kvalifiserte tiltak, basert på ei breiare erfaring. Etter mange års drift har samarbeid og kommunikasjon mellom jegerar og jaktfelt innafor valdet utvikla seg i ei svært positiv retning.

Me veit at det har vore, og framleis er, grunneigarar som vil jakte åleine eller få saman. Det vil vera som å ta mange steg attende i feil retning viss desse skulle få tildelt fellingsløyver direkte. Då fell grunnlaget for 'storvald' bort, og det vil utvilsamt gå i oppløysing på sikt! Vil leggja til at det innafor LVH er mindre jaktfelt som består av to-tre jegerar. Dette fungerer heilt problemfritt, så det er ikkje noko hinder for ikkje å vera med i større vald.

Ein anna stor fordel med større vald er at det heile vert meir transparent. Me føler at me har svært god oversikt over avskyting, og at den for alle felta er i samsvar med ein større plan.

Det har og vore uttrykt uro for kontroll med jegerlisens, jaktprøve, ettersøksavtale, o.l. Me har alle stor tiltru til at den enkelte jeger sjølv tek ansvar for dette, slik lova krev, men basert på tidlegare erfaring kan dette verta utfordrande med små / enkeltvise einingar.

LVH vil på det sterkaste frårå direkte tildeling av løyver til enkeltgrunneigarar, og heller arbeida målretta mot større vald. Me meiner at det er underordna kor stort areal som kreves for fellingsløyve, men det må stillast krav til store einingar for å kunna søkja om, og få fellingsløyve. Veit ikkje kor mange søknader om fellingsløyve Alver kommune får per i dag, men fryktar at dette talet kan gangast opp med ein ganske høg faktor.

LVH vil rå tilrå å ikkje setja ned minstearealet, men heller nytta '50%-regelen' eit år eller to til. Med dette unngår ein mange små einingar, og ei meir uoversiktleg forvaltning. Ein unngår også å måtta laga ny forskrift om kort tid viss målet om reduksjon av stammen vert oppnådd fort.

Me har no, med større vald, høve til å jakta meir intensivt i områder der det er større mengder hjort som gjer skader hjå enkeltgrunneigarar. Me har dømer på at ein på enkelte bøar tek ut 5 til 10 dyr i løpet av jakta. Dette vil falla bort viss vald vert små eller går i oppløysing.

Dette innspelet må ikkje sjåast på som eit forsøk på å hindra enkeltgrunneigarar i å gå på jak på eiga mark. –Tvert i mot! Men ein må forhalda seg til større områder der hjorten oppheld seg, og samarbeida uavhengig av grenser mellom gardar og bygder.

for Lindås Vest Hjortevald

Vidar Seim